

চরম অন্যায় !

নন্দিনী হোসেন

এ কেমন নিষ্ঠুরতা !
নিমিষে ভেসে গেলো ঘর গেরস্থালী
নিভে গেলো শিশুর হাসি এক দমকায়
ছোট্ট মেয়ের পবিত্র বিনুনী তীব্র জলে
গেলো ঢেকে ।
ইচ্ছা হলেই নাকি আল্লা গড ভগবান
মুহুর্তের ফুৎকারে
ভাসিয়ে নিয়ে যান, ধ্বংস করেন
অবাধ্য মানুষের চারণভূমি ।
ভেঙ্গে চুরমার করে দেন
পরম পিতা ! এ কেমন ইচ্ছা !
কেমন নিষ্ঠুর খেলা । পরম দয়ালু
আল্লার এ কেমন দয়া !
দ্রুততা আর অন্ধ ক্রোধ
পরম পিতার জন্য বড়ই বেমানান !
নয় কি ? অকারনে এত গুলো জীবন
আর সৃষ্টি নিয়ে ছিনিমিনি খেলার
অধিকার , গডের থাকা চরম অন্যায় !
ছিন্নভিন্ন জীবন, অবোধ বালক বালিকার
সারি সারি বিকৃত শবদেহ ভেসে যায় ।
তা দেখে এতো সুখ লাগে !
এতো ই বিকৃত পাষণ !
এক ই সাথে ভেসে যায় পাপী
আর অপাপবিন্দু শিশুরা ! এ নাকি
মহান আল্লার বিচার ! যত সব
হত দরিদ্র অন্ধকার দেশ গুলো
বেছে নিয়ে মজা করেন পরম
পিতা । যারা এমনিতেই মারা পরে
বার বার । কচু খায় ঘেচু খায়, শীতে
মরে, বন্যা জলোচ্ছাসে মরে বার বার
বেটে থাকার আকুল পিয়াসায় মরতে
মরতে বেঁচে থাকার কসরত
করে চলে অবিরাম ।
সেই সব মানব সন্তান
নিয়েই আল্লার সীমাহীন
অন্ধ ক্রোধ । তার যত
পক্ষপাতীত্ব সব
ননী খাওয়া ধনী দের জন্য
এ কেমন বিচার, পরম
দয়ালু গড, আল্লার !

০১/০১/০৫

